

德經上

道無方體德有成虧合于道則無德之可名別於德則有名之可辨仁義禮智隨量而受因時而施是德而已體道者異乎此

故列于下經

上德不德章第三十八

上德不德是以有德

物得以生謂之德同焉皆得然與道會過而不悔當而不自得也是謂不德孔子不

居其聖而為聖之時乃所以有德

下德不失德是以無德

認而有之自私以失道何德之有

上德無為而無以為

不思而得不勉而中不行而至上德也

下德為之而有以為

不思則不得不勉則不中不行則不至下

德也德有上下此聖賢之所以分歟離形

去智通於大同仁義禮智蓋將簡之而弗

得故無以為屈折禮樂呼俞仁義以慰天

下之心得人之得而不自得其得故有以為

上仁為之而無以為

先齊性之仁覆天下而非利之也故無以為

為

上義為之而有以為

列敵度宜之謂義以立我以制事能無為

乎

上禮為之而莫之應則攘臂而仍之

禮以交物以示人以節文仁義其用多矣

莫先施報而已施之盡而莫或報之則忿

爭之心生而乖亂之變起春秋之時一言

之不警一拜之不中兩國為之暴骨則據

臂而仍之尚其惠之小者聖人厚於仁而

薄於義禮以履之非所處也故上仁則同

於德上義則有以為上禮則有莫之應者

故失道而後德失德而後仁失仁而後義失

義而後禮失禮者忠信之薄而亂之首也

道不可致故失道而後德德不可至故失

德而後仁仁可為也為則近乎義故失仁

而後義義可虧也虧則飾以禮故失義而後禮至於禮則離道滋遠而所失滋衆矣凡物不並盛陰陽是也理相奪于威德是也實厚者貌薄父子之禮是也由是觀之禮繁者實必衰也實衰則偽繼之而爭亂作故曰夫禮者忠信之薄而亂之首也

前識者道之華而愚之始也

道降而出出而生智以智為鑿枘而銳之

故精神而妄意度並謂前識前識則拘末

而忘本故為道之華心勞而智益困故為

愚之始德則屢中此孔子所以惡于貢

是以大丈夫處其厚不處其薄居其實不居

其華故去彼取此

在彼者道所去在此者道所尚道所尚則

厚而不薄實而無華非夫智足以自知返

其性本而不流于事物之末習其孰能之

易曰敦復無悔中以自考也敦者厚之至

也人生而厚者性也復其性者處其厚而

已此大丈夫所以備道而全德

昔之得一章第三十九

昔之得一者天得一以清地得一以寧神得一以靈谷得一以盈萬物得一以生王侯得一以為天下正其致之一也

莊子曰通於一萬事畢致一則不貳抱一則不離守一則不違能知一則無一之不知不能知一則無一之能知昔之得一者

體天下之至精物無得而耦之者故確然乎上者純粹而不雜墮然乎下者靜止而不變至幽而無形者神也得一則不昧至虛而善應者谷也得一則不窮萬物以精

化形故得一以生侯王以獨制衆故得一以為天下正自天地以至于侯王雖上下異位幽明散殊而天之所以清地之所以寧侯王之所以為天下正非他求而外鑠也一以致之而已故曰其致之一也

天無以清將恐裂地無以寧將恐發神無以靈將恐歇谷無以盈將恐竭萬物無以生將恐滅侯王無以為正而貴高將恐廢

天職生覆地職形載裂則無以覆發則無以載神依人而行者也歇則無以示谷受

而不藏者也竭則莫之應聚則精氣成物得一以生故也散則遊魂為變夫一以滅故也惟正也故能御萬變而獨立于萬物之上無以為正而貴高將不足以自保能無廢乎

故貴以賤為本高以下為基賤者貴之所恃以為固下者高之所自起世之人觀其末而聖人探其本世之人見其成而聖人察其微故常得一也

是以侯王自稱孤寡不穀此其以賤為本邪非乎
孤寡不穀名之賤者也而侯王以為稱知所本而已侯王所以貴高而不廢其以此乎
故致數譽無譽

自高以勝物自貴以賤物強而不知守以柔白而不知守以黑以求譽于世而致數譽則過情之與暴集無實之毀隨至所以無譽

不欲碌碌如玉碌碌如石

玉貴而石賤一定而不變聖人乘時任物無所底滯萬變無常而吾心常一是真得一者也故不可得而貴賤孟子曰所惡乎執一者謂其執一而廢百也不欲碌碌如玉碌碌如石非知化之聖不能及此是謂上德

反者道之動章第四十

反者道之動弱者道之用天下之物生於有有生於無

天下之理動靜相因強弱相濟夫物芸芸各歸其根則已往而返復乎至靜然感而運通天下之故則動無非我故曰反者道之動柔之勝剛弱之勝強道之妙用實在於此莊子曰積柔小不勝為大勝者惟聖人能之故云弱者道之用四時之行欽藏於冬而蕃解於春水之性至柔也而攻堅強者莫之能先其此之謂歟然則有無之相生若循環然故無動而生有有極而歸無如東西之相反而不可以相無也彼蔽于莫為溺于或使豈道也哉

上士聞道章第四十一

上士聞道勤而行之

士志於道者也上士聞道其積力久至誠不息

中士聞道者存若亡

中士則有疑心焉疑心生則用志分其於道也一出焉一入焉

下士聞道大笑之不笑不足以爲道

下士則信不足以守智不足與明也故笑夫道無形色聲味之可得則其去耳目鼻

口之所嗜也遠矣莊子曰大聲不入于耳

耳高言不止於衆人之心

故建言有之明道若昧

若日月之光照臨下土者明也豐智原而不示襲其光而不耀故若昧

夷道若類

同歸而殊塗一致而百慮

進道若退

顏淵以退爲進莊子以謂坐忘

上德若谷

虛而能應應而不竭虛而能受受而不藏

經曰爲天下谷常德乃足

大白若辱

黜除玄覽不覩一斑大白也處衆人之所惡故若辱

廣德若不足

德無不容而不自以爲有餘故若不足秋水時至河伯自喜所以見笑於大方之家

建德若偷

聖人躊躇以興事以每成功

質真若渝

不曰堅乎磨而不磷不曰白乎涅而不緇

大方無隅

大方者無方之方也方而不割故無隅

大器晚成

大器者不器之器也不益生不助長故晚成

大音希聲

動于無方而感之斯應故希聲

大象無形

託於窈冥而視之不得見故無形

道隱無名夫惟道善貸且成

自明道至於大象皆道也道之妙不可以智索不可以形求可謂隱矣欲明之而不可得也聖人得也道故予而不費應而不

匱曲成萬物未嘗擅而有之亦且而已道

之體隱乎無名而用乃善貸且成故動而行之則造乎不形而止乎無所化其餘事

猶足爲帝王之功傳曰學始乎爲士終乎

爲聖

道生一章第四十二

道生一

泰初有無無有無名一之所起

一生二

天一而地二次之水生而火次之精具而

神從之

二生三

一與言爲二二與一爲三

三生萬物

天肇一於北地耦一於南人成位爲三三

才具而萬象分矣。號物之數謂之萬。自此以往巧曆不能計。

萬物負陰而抱陽。沖氣以為和。陰止而靜。萬物負陽。君子所以日入而息。陽融而亨。萬物抱陽。聖人所以嚮明而治。

必有陰陽之中。沖氣是已。莊子曰：至陽赫赫。至陰肅肅。肅肅出乎天。赫赫發乎地。兩者交通成和而物生焉。

人之所惡。唯孤寡不穀。而王公以為稱。物間隆而不殺。事靡成而不衰。陰陽之運。

事物之理也。消息盈虛。與之偕行而不失。其和其惟聖人乎。故孤寡不穀人之所惡。而王公以為稱。已極而返。已滿而損。所以居上而不危。

故物或損之而益。益之而損。木落則養本損之而益。故也。月盈則必食。益之而損。故也。天地盈虛。與時消息。而況於人乎。然則王公之所稱。乃所以致益而處貴高之道。

人之所教。亦我義教之強梁者。不得其死。吾

將以為教父。以強制弱。以剛勝柔。人之所教也。我之所教。則異乎此。強梁者。有我而好爭。有死之道。智者。觀之。因以為戒。故將以為教父。

天下之至柔。馳騁天下之至堅。

堅則毀矣。銳則挫矣。積柔小。不勝為大。勝者。惟聖人能之。無有入於無間。

莊子外篇論夔。夔蛇風目之相憐。而終之以目憐。心蓋足之行有所不至。目之視有所不及。而惟神為無方也。內篇論養生之主。而况以庖丁之解牛。丁者。火之陰。而神之相也。故恢恢乎遊刃有餘。然則入於無間。非體盡無窮。而遊無朕者。其孰能之。

是以知無為之有益也。柔之勝剛。無之攝有道之妙。用實寓于此。柔事則形不勞。遺生則精不虧。故所以為有益。

不言之教。無為之益。天下希及之矣。

不言之教。設之以神。無為之益。不虧其真。聖人以此抱樸。而天下賓無為。而萬物化。故及之者希。

名與身孰親。身與貨孰多。兩臂重於天下。則名與身孰親。生者。豈特隋珠之重哉。則身與貨孰多。至願在我。名非所親也。至富在我。貨非所多也。惟不知親疎多寡之辨。而殘生損性。以身為狗。若伯夷。死名于首陽之下。盜跖。死利于東陵。

之上。豈不惑哉。達生之情。而不務生之所。無以為此。有道者之所以異乎俗也。

得與亡孰病。烈士徇名。貪夫徇利。其所得者。名與貨。而其亡也。乃無名之橫。不贊之軀。病孰甚焉。

是故甚愛必大費。多藏必厚亡。無慕於外。則奇而不費。無累於物。則守而不失。取子之相。權積散之相。代其至。可必若。循環然。豈可長久。

知足不辱。

知不足辱。

處乎不淫之度何辱之有

知止不殆

遊乎萬物之所終始故無危殆之患

可以長久

物有聚散性無古今世之人以物易性故

好名而徇利名辱而身危聖人盡性而足天下至大也而不以官其生故可以長久而與天地並

大成若缺章第四十五

大成若缺其用不敝

域中有四大道居一焉體道之全故可名於大成與虧是謂大成不有其成故若缺知化合變而不以故自持故其用不敝此孔子所以集大成而為聖之時

大盈若沖其用不窮

充塞無外賸足萬有大盈也虛以應物沖而用之故施之不竭其用不窮良賈深藏若虛盛德容貌若愚

大直若屈

順物之變而委蛇曲折不求其肆故若屈

大巧若拙

賦物之形而圓方曲直不觀其妙故若拙

大辯若訥

不言之辯是謂大辯惠施多方其辯小矣

躁勝寒靜勝熱清靜為天下正

陽動而躁故勝寒陰止而靜故勝熱二者毗乎陰陽而不適乎中方且為物汨方且與動爭為能正天下惟無勝寒之躁勝熱之靜則不雜而清抱神而靜天下將自正

天下有道章第四十六

天下有道却走馬以糞

以道治天下者民各樂其業而無所爭其田疇而已

天下無道戎馬生於郊

強陵弱衆暴寡雖疆界不能正也

罪莫大於可欲

不見可欲使心不亂人之有欲至於決性命之情以爭之罪之所起也

禍莫大於不知足

平為福有餘為禍知足不辱何禍之有

咎莫大於欲得

欲而得則人所咎也

故知足之足常足矣

人見可欲則不知足不知足則欲得欲得則爭端起而禍亂作泰至則戎馬生于郊

然則知足而各安其性命之分無所施其智巧也日用飲食而已何爭亂之有

不出戶章第四十七

不出戶知天下不窺牖見天道

天下雖大聖人知之以智天道雖遠聖人見之以心智周乎萬物無遠之不察故無待於出戶心潛於神明無幽之不燭故無待於窺牖莊子曰其疾俛仰之間再撫四海之外茲聖人所以密運而獨化

其出彌遠其知彌少

復其見天地之心乎近取諸身萬理咸備求之於陰陽求之於度數而去道彌遠所知彌少矣

是以聖人不行而知不見而名不為而成以吾之智而知天下是謂不行而知以吾

之心而見天道是謂不見而名不行而知不見而名夫何為哉魏巍乎其有成功是謂不為而成

為學日益章第四十八

為學日益

學以致其道始乎為士終乎為聖日加益而道積于厥躬孔子謂顏淵曰吾見其進也

為道日損

致道者墮肢體黜聰明離形去智而萬事銷志故曰損遠伯玉所以行年六十而六十化

損之又損以至於無為而無不為矣

學以窮理而該有道以盡性而造無損之又損則未始有夫未始有無也者無為也

寂然不動無不為也感而遂通天下之故以靜則聖以動則王

故取天下者常以無事及其有事不足以取天下

天下大物也有大物者不可以物物而不

物故能物物故取天下者常以無事天下神器不可為也為者敗之執者失之故及其有事不足以取天下聖人體道而以其真治身帝之所與王之所起偶而應之天下將自賓太王曾父所以去邠而成國于岐山之下

岐山之下

聖人無常心章第四十九

聖人無常心以百姓心為心

聖人之心萬物之照也虛而能受靜而能應如鑑對形以彼妍醜如谷應聲以彼巨細何常之有疏觀萬物而知其情因民而已此之謂以百姓心為心莊子曰卑而不可不因者民也

善者吾善之不善者吾亦善之德善矣信者吾信之不信者吾亦信之德信矣

善否相非誠信相識世俗之情自為同異直德也哉德善則見百行無非善者故不善者亦善之德信則見萬情自非信者故不信者亦信之真偽兩忘是非一致是謂全德之人此舜之於象所以誠信而善之

聖人之在天下惻惻為天下渾心方其在天下則吉凶與民同患雖無常心而不可以不戒也故所以為已則惻惻然不自暇逸所以為天下則齊善否同信誼兩忘而閉其所譽渾然而已

百姓皆注其耳目聖人皆孩之

天視自我民視天聽自我民聽故聖人以百姓為心聖人作而萬物覩故百姓皆注其耳目百姓惟聖人之視聽則聖人者民之父母也矜憐撫養若保赤子而仁覆天下

出生入死章第五十

出生入死

萬物皆出於機入於機大機自張與出俱生天機自止與入俱死生者造化之所始死者陰陽之所變

生之徒十有三死之徒十有三

與死生為徒者出入乎死生之機固未免夫累

民之生動之死地亦十有三

貪生而背理忘生而徇利凡民之生動之死地則其生也與死莫擇

夫何故以其生之厚

生之徒悅生而累形死之徒趨寂而忘身動之死地桁楊者相接也刑戮者相望也

是皆不知身之為大患生之為有涯而存生之過厚耳古之得道者實貴不以養傷

身貧賤不以利累形不樂壽不哀夭朝徹而見獨故能無古今而入於不死不生

蓋聞善攝生者陸行不遇兇虎入軍不被甲兵兇無所投其角虎無所措其爪兵無所容其刃夫何故以其無死地

善攝生者形全精復與天為一其天守全其神無卻潛行不窒蹈火不熱行乎萬物之上而不懼故運物而不留物莫之能傷

也易曰通乎晝夜之道而出入于死生之機者物莫不然而知死生之說而超然于物之所造其惟至人乎

道生之章第五十一

道生之

道常無為而無不為萬物職職皆從無為

殖

德畜之

物得以生謂之德

物形之

留動而生物物生成理謂之形

勢成之

形質既具體勢斯成長短之相形高下之相傾其勢然也

是以萬物莫不尊道而貴德

萬物莫不首之者道也成而上者德也尊故能勝物而小之貴故物莫能賤之孟子曰趙孟之所貴趙孟能賤之非德故也

道之尊德之貴莫之爵而常自然

物有時而弊勢有時而傾真君高世良貴

在我不做勢物而常自若也

故道生之畜之長之有之成之熟之養之覆

之

別而言則有道德勢物之異合而言則皆出于道道者萬物之與也萬物化作而道

與之生萬物歛藏而道與之成出乎靈成乎良養乎坤覆乎乾剛柔相摩八卦相盪

若有機緘而不能自己道實冒之

生而不有為而不恃長而不宰是謂玄德

生則兆於動出為則効於變化長則見於統壹道之降而在德者爾然生而不有其功為而不恃其能長而不觀其刻制之巧非德之妙而小者孰能與此故曰是謂玄德

天下有始章第五十二

天下有始以為天下母

無名天地之始有名萬物之母始與母皆道也自其氣之始則謂之始自其生則謂之母有始則能生生矣

既得其母以知其子

道能母萬物而守之則物者其子也通於道者秉物物故得其母以知其子

既知其子復守其母致身不殆

多聞則守之以約多見則守之以卓窮物之理而不累於物達道之微而不失其妙

之理而不累於物達道之微而不失其妙

之理而不累於物達道之微而不失其妙

則利用出入往來不窮可以全生可以盡年而無危殆之患

塞其兌閉其門終身不動

兌以言悅門以言出物誘於外則心悅於內耳目鼻口神明出焉慎於內閉於外不以通物為樂物無得而引之則樂天而自得孰弊弊然以物為事

開其兌濟其事終身不敝

妾見可說與接為搆而從事於務則與物相刃相靡終身役役而不見其成功

見小曰明

小者道之妙見道之妙者自知而已故無不明

守柔曰強

柔者道之本守道之本者自勝而已故無不勝

用其光復歸其明

明者光之體光者明之用聖人之應世從體起用則輝散為光攝用歸體則智徹為明顯諸仁藏諸用如彼日月萬物皆照而

明者光之體光者明之用聖人之應世從體起用則輝散為光攝用歸體則智徹為明顯諸仁藏諸用如彼日月萬物皆照而

明未嘗虧所以神明其德者是也無道身殃是謂襲常

物之化無常也惟復命者遺物離人復歸於明而不與物俱化故體常而無患與形謀成光者異矣

使我介然章第五十三

使我介然有知行於大道唯施是畏

道去奢去泰奢則淫於德泰則侈於性施之過也介者小而辯於物介然辨物而內以自知則深根固蒂而取足於身故唯施是畏

大道甚夷而民好徑道夷而徑速欲速以邀近功而去道也遠矣

朝甚除田甚蕪倉甚虛

尚賢使能以致朝廷之治而不知力穡積用以成富庶之俗則拘末而棄本非可久之道

服文采帶利劔厭飲食資財有餘是謂盜誇非道也哉

非道也哉

善內者行乎無名善外者志乎期費行乎無名則惟施是畏志乎期費則服文采帶利劔厭飲食而資財有餘以為榮不足以為辱怙侈滅義驕淫矜夸豈道也哉

善建不拔章第五十四

善建者不拔

建中以設上下故不拔

善抱者不脫

抱一以應萬變故不脫

子孫以祭祀不輟

建中而不外乎道抱一而不離於精若是者豈行一國與當年蓋將及天下與來世其傳也遠矣

修其身其德乃真修之家其德乃餘修之卿其德乃長修之國其德乃豐修之天下其德乃普

修之身其德乃真所謂道之真以治身也修之家其德乃餘修之卿其德乃長所謂其諸餘以治人也修之國其德乃豐修之天下其德乃普所謂其土其以治天下國

天下其德乃普所謂其土其以治天下國

家也其修彌遠其德彌廣在我者皆其真也
在彼者特其末耳故餘而後長豐而後
善於道為外

故以身親身以家觀家以鄉觀鄉以國觀國
以天下觀天下

萬物皆備於我矣反身而誠樂莫大焉故
以身親身而身治推此類也天下有常然
以之觀天下而天下治矣
吾何以知天下之然哉以此
易簡而天下之理得矣

○ 舍德之厚章第五十五

舍德之厚比於赤子
惟民生厚因物有遷舍德之厚不遷於物
則氣專而志一孟子曰大人不失其赤子
之心

毒蟲不螫猛獸不據攫鳥不搏

舍德之厚者憂患不能入邪氣不能襲故
物莫能傷焉莊子曰人能虛己以遊世其
孰能害之
骨弱筋柔而握固未知牝牡之合而峻作精

之至也

德全者形全故骨弱筋柔而握固形全者
神全故未知牝牡之合而峻作精之至者
可以入神莊子曰聖人貴精
終日號而嗑不嗟和之至也

致一之謂精精則德全而神不虧沖氣以
為和和則氣全而嗑不嗟人之生也精受
於天一而為智之源和得於天五而為信
之本及其至也可以入神可以復命而失
其赤子之心者精搖而不守氣暴而不純
馳其形性潛之萬物豈不悲夫

知和曰帝

純氣之守制命在內形化而性不亡

知常曰明

明足以見道者知性之不亡故也

益生曰祥

祥者物之先見生物之理增之則贅禍福

特未定也

心使氣曰強

體合於心心合於氣則氣和而不暴蹶者

趨者是氣也而心實使之茲強也以與物

敵而非自勝之道

物壯則老是謂不道

道無古今物有壯老強有時而弱盛有時
而衰役於時而制於數豈道也哉

不道早已

道未始有窮民之迷其日固已久矣

知者不言言者不知

道無問問無應知道者默而識之無所事

言將缺問於王倪所以四問而四不知多
言數窮離道遠矣

塞其兌閉其門

塗卻守神退藏於密

挫其銳解其紛

以深為根以約為紀

和其光同其塵

與物委蛇而同其波

是謂玄同

道復乎至幽合乎至一至幽之謂玄至一

之謂同女同則為物與我將擇焉而不可得豈竊竊然自投于親疎利害貴賤之間為哉

不可得而親不可得而疎不可得而利不可得而害不可得而貴不可得而賤故為天下

貴

世之人愛惡相攻而有戚疎之態情偽相感而有利害之見用捨相權而有貴賤之分反復更代未始有極美足為天下貴知道者忘言忘言者泯好惡忘情偏離用捨而玄同於一性之內良貴至足天下兼忘故為天下貴

以正治國章第五十七

以正治國以奇用兵以無事取天下

正者道之常奇者道之變無事者道之真

國以正定兵以奇勝道之真無容私焉順物自然而天下治矣

吾何以知其然哉夫天下多忌諱而民彌貧民不難聚也愛之則親利之則至致其所惡則散今也無愛利之心而多忌諱之禁

民將散而之四方故民彌貧人多利器國家滋昏

有機械者必有機事有機事者必有機心機心生則純白不備而或罔上以非其道人多伎巧奇物滋起

伎巧勝則人趨末而異服奇器出以亂俗法令滋彰盜賊多有

剋故太至者必有不育之心應之故聖人云我無為而民自化

天無為以之清地無為以之寧兩無為相合萬物皆化聖人天地而已故民日遷善而不知為之者

我好靜而民自正

鑑水之與形接也不設智故而物之方圓曲直不能逃也夫豈待鈎繩規矩而後正哉

我無事而民自富

天下本無事庸人擾之耳無以擾之民將自富

我無欲而民自樸

不尚賢則民不爭不貴難得之貨則民不為盜同乎無欲而民性得矣

其政悶悶 其政悶悶章第五十八

在宥天下知有之而無欣欣之樂

其民淳淳

見素抱樸少私寡欲

其政察察

簡髮而櫛數米而炊竊竊然以奇為明此

察察之政

其民缺缺

舉賢則民相軋任知則民相盜故無全德

禍予福所倚福予禍所伏孰知其極

昭昭生於冥冥有倫生於無形德慧術智存乎疾疾高明之家鬼瞰其室知時無止

知分無常知終始之不可故則禍福之倚

伏何常之有

其無正邪

使同乎我與若者正之既同乎我與若者矣烏能正之使異乎我與若者正之既異乎

我與若矣為能正之然則孰為天下之至正哉

正復為奇善復為扶氏之迷也其日固已久矣

通天下一氣耳今是而昨非先迕而後合神奇臭腐相為終始則奇正之相生扶善之更化乃一氣之自爾天下之生久矣小惑易方大惑易性自私之俗勝而不明乎禍福之倚伏且復察察以治之民安得而反其真乎

是以聖人方而不割

方者介於辨物大方無隅止而不流無辨物之迹

廉而不剷

廉者矜於自潔大廉不嗾清而容物無刻

制之行

直而不肆光而不耀

直而肆則陵物之態生光而耀則揚行之志至內直而外曲用其光而復歸其明其唯聖人乎民之迷也以方為是者如子莫

之執中以廉為是者如仲子之操知伸而不知屈知彰而不知微以夸末世之敝俗而失聖人之大全豈足以正天下聖人所以正天下者何哉如斯而已

宋徽宗御解道德真經卷之三

正一天師清微弟子 洪百堅 製作
道教學術資訊網站

宋徽宗御解道德真經卷之四
德經下

大

治人事天章第五十九

治人事天莫如嗇

聰明智識天也動靜思慮人也通動靜之節者思慮之累所以治人不極聰明之力不盡智識之任所以事天此之謂嗇天一在臆以腎為事立于不貸之圓豐智原而嗇出則人事治而天理得夫嗇是以早復

迷而後復其復也晚矣比復好先嗇則不修於性是以早復

早復謂之重積德

復德之本也復以自知則道之在我者日積而彌新

重積德則無不克

能勝之謂克宰制萬物役使羣動而無所不勝者惟德而已

無不克則莫知其極德至於無所不勝則汎應而不窮孰知其